

Asesiad Effaith Cydraddoldeb

I Manylion

I.1 Beth yw enw'r polisi / gwasanaeth dan sylw

Ail Fodelu y Gwasanaeth Ieuenctid

I.2 Beth ydi pwrpas y polisi/gwasanaeth sy'n cael ei greu neu ei newid

Mae darparu gwasanaeth cymorth ieuenctid yn ofyniad statudol yn unol a Deddf Dysgu a Sgiliau 2000.

Mae'r Gwasanaeth Ieuenctid yn darparu cymorth ieuenctid, i bobl ifanc 11-25 oed. Yn bresennol mae'r gwasanaeth yn darparu'r cymorth hwnnw drwy weithwyr ieuenctid yn cynnal gweithgareddau a phrosiectau ar draws y rhwydwaith o glybiau ieuenctid yn y sir.

Golygai penderfyniad Her Gwynedd (Mawrth 2016) fod toriad o £200,000 ynghyd a tharged effeithlonrwydd o £70,000 i gyllideb y Gwasanaeth.

Mae adolygiad o'r Gwasanaeth yn y cyd-destun ariannol hwn yn adnabod opsiynau ar gyfer ail-fodelu'r gwasanaeth i'r dyfodol.

Mae Cabinet Cyngor Gwynedd wedi ystyried 4 opsiwn, wedi adnabod opsiwn a ffefrir, wedi cynnal ymgynghoriad cyhoeddus ar yr opsiwn hwnnw.

Mae'r asesiad hwn yn seiliedig ar yr opsiwn arfaethedig yr argymhellir i'r Cabinet ym mis Mawrth 2018.

Y model a argymhellir (Opsiw 3)

Darparu mewn ffordd wahanol, sef Rhaglen o Weithgareddau a Phrosiectau sy'n symud o leoliad i leoliad drwy'r sir, a chomisiynu gweithgareddau a phrosiectau penodol gan partneriaid allanol.

I.3 Pwy sy'n gyfrifol am yr asesiad yma?

Nia Morris – Rheolwr Gwasanaeth Ieuenctid

I.4 Pryd wnaethoch chi gychwyn yr asesiad? Pa fersiwn yw hwn?

Dyddiad Cychwyn - 1 Mai 2016
Updated – 19.5. 2017
Updated 05.01.2018

Diweddarwyd – 16.2.18 (yn dilyn yr ymgynghoriad cyhoeddus Rhagfyr 2017, ac adborth Pwyllgor Craffu, Ionawr 2018).

Bydd yn cael ei ddatblygu ymhellach yn dilyn y penderfyniad ac yn ôl yr angen

2) Gweithredu

2.1 Pwy yw'r partneriaid fydd yn rhaid gweithio hefo nhw i wneud yr asesiad yma?

Pobl ifanc (defnyddwyr y gwasanaeth presennol a pobl ifanc nad ydynt yn defnyddio'r gwasanaeth)
Staff llawn a rhan amser y Gwasanaeth Ieuentid,
Partneriaid mewn Gwasanaethau eraill yn y Cyngor (ee Addysg, Gwasanaethau Plant a Theuluoedd, Gwasanaeth Cyfiawnder Ieuentid),
Partneriaid mewn Asiantaethau eraill (ee Llywodraeth Cymru, Gyrfa Cymru, Grŵp Llandrillo-Menai, Gisda)
Trydydd Sector (yn benodol y mudiadau hynny sy'n derbyn grant oddi wrth y Gwasanaeth Ieuentid sef yr Urdd a'r Ffermwyr Ifanc, Sgowtiaid a'r Geidiaid).
Penaethiaid Ysgolion Uwchradd.

2.2 Pa gamau ydych chi wedi ei gymryd i ymgysylltu gyda pobl hefo nodweddion cydraddoldeb?

Mae'r Gwasanaeth Ieuentid wedi casglu barn a chael mewnbwn pobl ifanc i'r hyn maent eisiau gan y Gwasanaeth Ieuentid yng Ngwynedd yn rheolaidd a thrwy gyfryngau amrywiol.

Rhwng Medi a Hydref 2015 bu'r Cyngor yn ymgynghori ar gynigion toriadau trwy "Her Gwynedd", a cyflwynwyd 5 cynnig ar gyfer y Gwasanaeth Ieuentid i gasglu adborth gan y cyhoedd (gweler linc isod 2.3).

Yn flynyddol mae y Gwasanaeth Ieuentid yn gwerthuso ei ddarpariaeth bresennol ac yn hwyluso mewnbwn ei ddefnyddwyr, y bobl ifanc eu hunain i'r broses hon. Mae'r bobl ifanc yn cwblhau holiadur er mwyn sicrhau casglu barn aelodau am eu profiad o'r gwasanaeth. Cwblhawyd y Gwerthusiad diwethaf yn dilyn blwyddyn Clybiau 2015-16, felly dosbarthwyd yr holiaduron a'u casglu yn ystod Chwefror– Mawrth 2016, a'u dadansoddi ym Mai-Mehefin 2016.

Rhwng Hydref 2016 a Mawrth 2017 bu'r Gwasanaeth Ieuentid, trwy Uned Gyfathrebu y Cyngor, yn ymgysylltu gyda pobl ifanc ac eraill trwy gyfarfodydd wyneb yn wyneb a thrwy holiaduron (gweler adroddiad isod 2.3) i adnabod blaenoriaethau ac anghenion ar gyfer y Gwasanaeth Ieuentid i'r dyfodol.

Rhwng Hydref 2016 a Hydref 2017 rydym wedi bod yn cynnal deialog gyda staff y gwasanaeth i gasglu eu mewnbwn.

Rhwng Tachwedd a Rhagfyr 2017 bu'r Gwasanaeth Ieuencid, trwy Uned Gyfathrebu y Cyngor, gynnal Ymgynghoriad Cyhoeddus ar yr opsiwn a ffeirir gan y Cabinet ar y pwynt hwnnw.

Mae'r Gwasanaeth wedi cyflwyno adroddiad i'r Pwyllgor Craffu i gael mewnbwn aelodau craffu i'r ail-fodelu ym mis Ionawr.

2.3 Beth oedd canlyniad yr ymgysylltu?

2.3.1 Rhaglen Ymgynghori Her Gwynedd 2015- 2018

Wrth geisio barn y cyhoedd ar doriadau ar draws y Cyngor roedd plant a pobl ifanc yn cael y cyfle i ddatgan eu barn ar yr oll o'r 118 cynigion a gyflwynwyd.

Gweler canlyniadau yr holl gynigion isod :-

<https://www.gwynedd.llyw.cymru/cy/Cyngor/Dweud-eich-dweud/Canlyniadau-ymgynghoriadau/Her-Gwynedd.aspx>

Cyflwynwyd 5 cynnig ar gyfer newid y Gwasanaeth Ieuencid yn yr ymgynghoriad hwn.

Derbyniwyd sylwadau gan 152 o ymatebwyr ar gyfer gwarchod cynlluniau yn y maes Plant a Phobl Ifanc. Roedd y nifer uchaf o sylwadau ym maes plant a phobl ifanc (51) yn erbyn torri grantiau Ieuencid. O'r rhain, enwodd 46 Clwb Ffermwyr Ifanc yn benodol, ac enwodd 8 yr Urdd.

23% eisiau gwarchod y grantiau Ieuencid

46.8% eisiau gwarchod y Gwasanaeth Ieuencid a peidio a gweithredu'r toriad mwyaf.

2.3.2 Dadansoddiad Holiaduron Clybiau Ieuencid 15.16

Ymatebodd 315 o bobl ifanc yr holiadur.

96% yn hapus gyda'r gwasanaeth

89% yn gwybod beth oedd yn cael ei gynnig gan y gwasanaeth

Pan ofynnwyd "Beth wyt ti'n ei hoffi am y Clwb?" nododd 232 mai cymdeithasu/gwneud ffrindiau a 194 mai gweithgareddau dysgu sgiliau.

84% o bobl ifanc yn dweud eu bod wedi cael mynegi eu barn ar beth oedd y Clwb yn ei wneud

97% o bobl ifanc yn nodi bod y gweithwyr yn gwrando arnynt

95% o bobl ifanc yn teimlo'n ddiogel yn trafod pethau personol sensitif gyda'r staff

Chwaraeon, Gweithgareddau Dysgu Sgiliau a Tripliau oedd y 3 prif gyfleoedd y dymument ei gael

31% nodi mai parch / hunan barch oedd y prif beth iddynt ddysgu, a 29% yn nodi mai gwell

addysg iechyd a iechyd rhyw ydoedd

2.3.3 Rhaglen Ymgysylltu y Gwasanaeth Ieuencid – Hydref 2016 i Mawrth 2017.

Rhannwyd yr ymarferiad ymgysylltu i 2 ran:-

- Rhan 1 – Ymgysylltu wedi ei dargedu (Hydref 2016 – Ionawr 2017) a oedd yn cynnwys:
51 o Bobl ifanc 11-16 oed ar draws y sir
13 person ifanc gyda anghenion dysgu ychwanegol (Ysgol Hafod Lon)
84 o'r gweithlu rhan amser
11 o'r gweithlu llawn amser
7 cynrychiolydd o asiantaethau sy'n cefnogi pobl ifanc
14 pennaeth ysgol

- Rhan 2 – Ymgysylltiad agored (Ionawr 2017 – Mawrth 2017) a oedd yn cynnwys derbyn ymatebion gan :
791 o holiaduron wedi eu cwblhau.

Nodir isod y Prif Negeseuon a gafwyd yn dilyn y rhaglen ymgysylltu;
<https://www.gwynedd.llyw.cymru/cy/Cyngor/Dogfennau-Cyngor/Dewud-eich-dweud/Gwasanaeth-leuenctid--Taflen-adrodd-yn-ol-Cymraeg.pdf>

2.3.4 Ymgynghoriad Dyfodol Gwasanaeth Ieuencid Gwynedd Tachwedd – Rhagfyr 2017

- Derbyniwyd 3,391 o ymatebion
- 74.6% rhwng 11 a 16 oed
- 49.2% benyw, 38.9% gwryw
- 56.7% Cymraeg fel iaith gyntaf
- 78% ddim yn ystyried eu hunain yn anabl
- 3.5% yn ystyried eu hunain yn anabl
- 64% yn datgan cefnogaeth am yr opsiwn newydd sydd yn cael ei gynnig
- 98.8% wedi ateb fel unigolion

Nodir isod y Dadansoddiad Llawn o'r ymgynghoriad fel y'i cyflwynwyd i'r Pwyllgor Craffu
<https://democratiaeth.cyngor.gwynedd.gov.uk/ielistdocuments.aspx?cid=392&mid=2105&ver=4&>

2.4 Ar sail pa dystiolaeth arall ydych chi'n gweithredu?

2.4.1 Y Cyd-destun Deddfwriaethol:- Deddf Sgiliau a Dysgu 2000.

Trwy y Ddeddf Sgiliau a Dysgu 2000, Adran 123(1), mae Gweinidogion Cymru wedi cyfeirio awdurdodau lleol i ddarparu, sicrhau darpariaeth o, neu gyfranogi yn y ddarpariaeth o wasanaethau cefnogi ieuencid.

Adroddiad Arolwg Estyn ar Wasanaethau Cymorth Ieuencid.

Yn yr arolwg diwethaf o wasanaethau addysg Cyngor Gwynedd yn 2013 roedd y ddarpariaeth gan y Gwasanaeth Ieuencid yn cyfrannu yn bennaf tuag at hyrwyddo cynhwysiad cymdeithasol a lles plant a phobl ifanc Gwynedd. Nododd yr adroddiad arolwg yn benodol fod "y gwasanaeth ieuencid wedi llwyddo'n dda i gynyddu nifer y bobl ifanc sy'n cyflawni unedau neu

gymwysterau achrededig, ac o ran hyrwyddo prentisiaethau, entrepreneuriaeth a llwybrau dysgu. Yn gyffredinol, mae'r gwasanaeth wedi'i drefnu yn dda, a chaiff dysgwyr eu cefnogi'n effeithiol".

2.4.2 Y Cyfeiriad Strategol a Pholisi gan Lywodraeth Cymru

Nodir isod gofynion y prif strategaethau a pholisiau sy cyfeirio Cyngor Gwynedd ar sut / beth i'w ddarparu ar gyfer pobl ifanc.

Strategaeth Ieuentid Llywodraeth Cymru 2014-2018.

Cydnabyddir yr angen i weld y gwasanaeth yn parhau fel un strategol ac nid yn rhan o wasanaeth hamdden. Mae gwaith ieuentid da yn gallu gwella presenoldeb, ymddygiad, cymhelliant a pherthnasau o fewn ysgolion. O fewn y strategaeth mae yna bwyslais yn awr ar roi rôl allweddol i weithwyr ieuentid i gefnogi pobl ifanc i barhau mewn ymgysylltiad hefo addysg, a pharhau o fewn addysg neu hyfforddiant ffurfiol. Mae'r strategaeth yn adnabod tri maes lle dylai'r gwasanaeth ganolbwyntio, sef:

- a) Mynediad at gyfleon dysgu anffurfiol a lled-ffurfiol sy'n ehangu'r gorwelion, herio meddwl a datblygu sgiliau drwy
- b) Cryfhau'r perthynas strategol rhwng gwaith ieuentid ac addysg ffurfiol
- c) Cydlyniant gwell a mwy cyson o'r hyn mae gwasanaethau ieuentid yn gynnig i bobl ifanc drwy'r sector gwirfoddol a statudol, i leihau dyblygu, rhannu gwybodaeth a hyrwyddo gweithgareddau sy'n cynyddu capasiti, i gynnig gwasanaeth o ansawdd uchel sy'n ateb gofynion cyfoes pobl ifanc.

Fframwaith Ymgysylltu a Chyflawniad Llywodraeth Cymru (2015-2018)

Mae'r ddogfen yma eto yn adnabod rôl allweddol i Wasanaethau Ieuentid i sicrhau bod pobl ifanc 16+ yn parhau mewn addysg, hyfforddiant neu mewn gwaith.

Siarter Gwaith Ieuentid Cymru (Mawrth 2016)

Mae'r Siarter yn nodi disgwyliad sylfaenol Llywodraeth Cymru ar gyfer gwaith ieuentid i bobl ifanc ledled Cymru. Mae'r siarter yn nodi bydd gan bob person ifanc hawl i gael mynediad rhwydd trwy gyfrwng y Gymraeg neu'r Saesneg at:

- Fannau cyfarfod diogel, cynnes a chyflawn, sy'n cynnig cyfleoedd i ddatblygu perthnasoedd parhaus, gweithgareddau hamdden cyffrous ym meysydd celf a chwaraeon, a phrofiadau newydd a fydd yn ehangu eu gorwelion.
- Cyfleoedd i gyfranogi mewn antur awyr agored a phrofiadau preswyl a rhyngwladol.
- Cyfleoedd i gyfranogi yn y gwaith o wneud penderfyniadau trwy strwythurau anffurfiol a ffurfiol i ymgysylltu â phobl ifanc yn lleol ac yn genedlaethol (e.e. meiri ifanc, cyngorau ieuentid a'r Senedd). Dylai trefniadau o'r fath gyfeirio'n eglur at safonau cyfranogi; dylent fod yn seiliedig ar egwyddorion Confensiwn y Cenhedloedd Unedig ar Hawliau Plentyn (CUHP); a dylent geisio ennyn diddordeb pobl ifanc yn y gwaith o lywio a chraffu ar y gwasanaethau sy'n effeithio arnynt.
- Gwybodaeth, arweiniad a chymorth ynghylch materion sy'n eu pryderu, yn cynnwys

cyflogaeth, tai a lles meddyliol. Gellir defnyddio'r gwasanaeth trwy gyfrwng cyfryngau digidol a thrwy law oedolion dibynadwy a hyfforddedig.

- Anogaeth i ddysgu rhagor am eu diwylliant eu hunain a diwylliannau pobl eraill.
- Darpariaeth gyd gysylltiedig gan weithwyr ieuenctid ym mhob ysgol uwchradd a choleg, ymestyn y 'cynnig i ddisgyblion' ac felly cyfoethogi'r cwricwlwm ffurfiol a chynorthwyo â datblygiad personol a chymdeithasol.
- Cyfleoedd i fod yn ymgyrchwyr dinesig e.e. trwy wirfoddoli.
- Cydnabod a /neu achrediad eu cyflawniadau o ran datblygiad personol a chymdeithasol mewn ysgolion a cholegau ac yn y gymuned hefyd.

2.4.3 Tystiolaeth Feintiol am y Gwasanaeth Ieuenctid.

Mae'r Gwasanaeth Ieuenctid yn casglu data perfformiad ar gyfer adrodd yn flynyddol i Lywodraeth Cymru ar ei gyflawniad. Mae Llywodraeth Cymru yn defnyddio'r data hwn ar gyfer asesu cyfraniad gwasanaeth ieuenctid tuag at eu strategaeth ieuenctid. Cyhoeddir data Gwasanaethau Ieuenctid Awdurdodau Lleol Cymru yn:

<https://statswales.gov.wales/Catalogue/Education-and-Skills/Youth-Service>

Yn seiliedig ar y data diweddaraf ar gyfer 2016-17 bydd y newid yma yn effeithio dros 5500 o bobl Ifanc 11 – 16 oed ar draws Gwynedd. Caiff mwy o enethod eu heffeithio, a bydd y grwp oedran 11-13 oed yn cael eu heffeithio yn fwy na'r grwpiau oedran eraill.

Bechgyn – 11- 13 oed= 1458

Merched - 11 – 13 oed = 1678 – cyfanswm - 3136

Bechgyn – 14 – 16oed = 808

Merched – 14 – 16 oed = 875 – cyfanswm – 1683

Bechgyn - 17 – 19 oed = 212

Merched – 17 – 19oed = 270 – cyfanswm = 482

Bechgyn – 20 – 25 oed = 166

Merched – 20 – 25 oed = 158 – cyfanswm - 324

22.50% o'r boblogaeth 11-25 oed

2644- bachgen

2981- merch

Cyfanswm aelodau = 5625

Ystadegau Ethnigrwydd a Iaith y Gwasanaeth Ieuenctid (2016)

Gweler yma ethnigrwydd aelodau'r Gwasanaeth Ieuenctid ynghyd a niferoedd sydd yn siarad Cymraeg. Yn seiliedig ar y data diweddaraf hwn bydd yr effaith fwyaf ar bobl ifanc gwyn, a siaradwyr Cymraeg yn bennaf.

Ethnigedd / Ethnicity	Bechgyn	Merched	Cyfanswm	Siarad Cymraeg Welsh Speaker	Bechgyn	Merched	Cyfanswm
Gwyn/Cymraeg	1203	1009	2212	Rhugl	1172	989	2161
Gwyn/Prydeinig	151	112	263	Ychydig	191	203	394
Unrhyw gefndir gwyn arall WOTH	6	4	10	Dim	20	8	28
Dim eisiau datgelu	5	6	11				
Heb ddatgelu	13	17	30				
Gwyn/Asian/Asian Prydeinig		1	1				
Bangladesiadd		1	1				
Gwyn a Du Caribiaidd	1		1				
Unrhyw grwp ethnig arall	1		1				
Gwyddelig	1		1				
Indiaidd	1		1				
Polish	1		1				

Data am staff y Gwasanaeth Ieuencid o ran rhyw (2016-17)

	Benywaidd	Gwrywaidd
Llawn Amser	8	2
Rhan Amser	77	22
Cyfanswm	85	24
Gweinyddol	3	
Cyfanswm	88	24

- Gall yr opsiwn yma yn effeithio fwy ar fenywod
- Rydym wedi cydweithio'n agos gyda'r Ymgynghorydd Adnoddau Dynol trwy'r broses
- Rydym wedi trafod gyda'r Undebau ar ddau achlysur

2.4.4 Mapio Darpariaeth

Mae'r Gwasanaeth Ieuencid wedi ymgymryd a gwaith o fapio y ddarpariaeth sydd ar gael i bobl ifanc yng Ngwynedd yn ystod 2016-17. Defnyddiwyd y ffynonellau canlynol fel tarddiad y wybodaeth :-

www.gwynedd-ni.org.uk

www.gwyneddgreedigol.com

www.chwaraeon.cymru

www.chwaraeonanableddcymru.com

www.urdd.cymru (rhif ffon Eryri)

www.yfc-wales.org.uk/Cymraeg (rhif ffon Eryri a Meirionydd)

www.sea-cadets.org

www.partneriaeth-awyr-agored.co.uk/cy/clwb/holl/

Mae'r gwaith mapio hwn (dim i'w gylchredeg gan nad ydym wedi casglu'r wybodaeth ar gyfer ei gyhoeddi i'r perwyl yma) yn dangos fod oddeutu 230 o glybiau cymdeithasol, clybiau chwaraeon a gweithgareddau awyr agored i bobl ifanc yn y sir.

Mae Bwrdd Uchelgais Gogledd Cymru wedi comisiynu gwaith i fapio y gwasanaethau a'r ddarpariaeth sydd ar gael i bobl ifanc 16-25 oed yng Ngwynedd, ym mis Mawrth 2016.



Copy of North
Wales Provision Marcl

2.4.5 Data am y Demograffeg Oedran

Mae Uned Ymchwil a Dadansoddeg y Cyngor wedi tynnu ynghyd proffil o bobl ifanc 11-25 oed Gwynedd i'w ddefnyddio ar gyfer Adolygiad y Gwasanaeth.

2.5 Oes yna unrhyw fylchu yn y dystiolaeth sydd angen ei gasglu ?

Nac oes.

3) Adnabod yr Effaith

3.1 Beth yw'r effaith fydd y polisi/gwasanaeth newydd neu'r newidiadau yn y polisi neu wasanaeth yn ei gael ar bobl hefo nodweddion cydraddoldeb

Nodweddion	Sut fath o effaith? (dylech ddileu'r rhai amherthnasol)	Ym mha ffordd? Beth yw'r dystiolaeth?
Oedran	Negyddol i rai grwpiau oedran ond positif o bosib i rai eraill	<p><u>Oedran 11-25 oed (Cyffredinol).</u> Yn bresennol mae'r Gwasanaeth yn cefnogi rhai 11-25 oed.</p> <p>Mae'r opsiwn yma yn parhau i gynnig cefnogi rhai 11-25 oed.</p> <p>Bydd yr opsiwn yn golygu fod llai o ddarpariaeth na'r presennol.</p> <p>Mae'r opsiwn yma yn awgrymu symud i batrwm o ddarpariaeth gweithgareddau a phrosiectau agored i unrhyw un 11-19 oed a gwaith wedi ei dargedu yn unig i rai 16 oed a throsodd, sef dim ond cefnogi rheiny nad ydynt mewn addysg, hyfforddiant na gwaith.</p> <p>Mae data aelodaeth yn dangos mai dim ond 5% o'r aelodau presennol (324 allan o 5625) sy'n 19-25 oed. Mae'r data yn cadarnhau hefyd fod y grŵp oedran hynach yma yn aelodau oherwydd eu bod yn defnyddio ein cyrsiau Parodrwydd i Waith neu eu bod yn cael eu targedu er mwyn eu symud ymlaen i Addysg, Hyfforddiant neu i Waith.</p> <p><u>Lleoliadau i gael mynediad i'r Gwasanaeth</u> Mae'r ddarpariaeth 'agored' presennol (sef y clybiau ieuentid) yn bwyntiau mynediad statig mewn 42 cymuned.</p> <p>Mae'r opsiwn yma yn awgrymu symud i ffwrdd o redeg clybiau statig yn gyfan gwbl. Mae'r opsiwn yma yn awgrymu sefydlu rhaglen o weithgareddau / prosiect sy'n ymweld gyda cymunedau drwy'r sir gan symud lleoliadau yn rheolaidd.</p> <p>Mae'r opsiwn yma yn rhoi cyfrifoldeb ar y gwasanaeth i gyrraedd pobl ifanc.</p>

		<p>Mae'r opsiwn yma yn golygu y gall pobl ifanc gael mynediad i'r gwasanaeth drwy'r ysgol, yn eu cymuned a drwy gyfryngau cymdeithasol.</p> <p>56% o'r bobl ifanc gwblhaodd yr holiadur wedi adrodd eu bod yn hapus i deithio (10 milltir), 30% wedi anghytuno a 14% yn nodi dim barn.</p> <p>Gall yr opsiwn yma olygu na fydd gan rai bobl ifanc, yn enwedig y rhai mwyaf bregus, ofod diogel yn eu cymunedau y gallent droi iddo. Mae rhai o'n aelodau presennol yn defnyddio'r clybiau fel man cyfarfod saff, man i loches oddi wrth amgylchiadau gartref, yn fan diogel i gwrdd gyda gweithwyr proffesiynol.</p> <p>Mae 98% a gwblhaodd yr holiadur yn cytuno ei bod yn bwysig i bobl ifanc gael cyfleoedd i gymdeithasu drwy y Gwasanaeth Ieuenctid ac maent eisiau hyn trwy gael lle saff i ddod at eu gilydd a thrwy waith ieuenctid</p> <p>Trwy'r ymgynghoriad cyhoeddus (Tachwedd – Rhagfyr 2017) dywedodd 62% y dylai'r Gwasanaeth Ieuenctid ddarparu pethau gwahanol i bobl ifanc wrth iddyn nhw dyfu i fyny: rhaglen o weithgareddau hwyliog i rai 11 – 18 oed a chefnogaeth un i un i rai 16 – 25 oed.</p> <p>Trwy'r ymgynghoriad roedd 64% yn datgan cefnogaeth am yr opsiwn newydd sydd yn cael ei gynnig</p> <p>Trwy'r ymgynghoriad gellir gweld gwahaniaethau o fewn grwpiau oedran gwahanol. Roedd canran llai o bobl dros 24 oed yn nodi fod yna ddim rhwystr iddynt gymryd rhan. Roedd canran uwch o'r oeddrannau o dan 11 ac 11 – 15 oed wedi nodi y byddai pellter o glwb, lleoliad teithiol / teithio yn eu rhwystro rhag cymryd rhan.</p> <p><u>Amseroedd i gael mynediad i'r gwasanaeth.</u></p> <p>Mae'r ddarpariaeth presennol (sef y clybiau ieuenctid) yn bwyntiau mynediad statig mewn 42 cymuned am 30 wythnos y flwyddyn yn unig (tymor ysgol) yn y mwyafrif o leoliadau, ac wedi eu cyfyngu i nosweithiau penodol am yr wythnosau hynny.</p> <p>Nid oes capasiti yn y ddarpariaeth bresennol i berson ifanc gysylltu gyda gweithiwr ieuenctid y tu allan i'r adegau hyn, ar amser sy'n gyfleus ac yn addas iddyn nhw.</p> <p>Mae'r opsiwn yma ar gael gydol y flwyddyn, gyda'r oriau</p>
--	--	---

	<p>Positif i'r rhai fydd yn cael eu targedu</p>	<p>yn amrywio o ddiwedd prynhawn, i gyda'r nos, i benwythnos, i dymor ysgol a gwyliau ysgol. Ond bydd y ddarpariaeth yn llai fin nos.</p> <p>Mae'r opsiwn yma yn rhoi hyblygrwydd o ran lleoliadau ac amseroedd sy'n golygu bod mwy o gyfleon i bobl ifanc ddod i gyswllt gyda'r gwasanaeth. Bydd y cyfleon hynny fodd bynnag yn llai yn ei gyfanrwydd, ac hefyd yn fyrrach o ran hyd y cyswllt pan mewn lleoliad penodol.</p> <p>Nododd 429 o'r holiaduron y byddai pobl ifanc eisiau mynediad / cyswllt i weithiwr ieuentid drwy'r ysgol a parhau i wneud gwaith ieuentid yn eu cymunedau.</p> <p><u>Gweithwyr Ieuentid ac Ysgolion.</u> Nododd 429 o'r holiaduron fod pobl ifanc eisiau medru gwneud cyswllt gyda gweithiwr ieuentid drwy'r ysgol.</p> <p>Mae'r ddarpariaeth Gweithwyr Ieuentid a Chymuned presennol ar gael mewn <u>rhai ysgolion</u> yn unig oherwydd y'i hariannir drwy grant.</p> <p>Mae'r opsiwn yma yn sicrhau y bydd y gwasanaeth yn gallu trefnu i weithwyr ieuentid a chymuned gysgodi 2 neu 3 ysgol uwchradd. Byddai pobl ysgol uwchradd a chyswllt gyda'r Gwasanaeth Ieuentid.</p> <p>-</p> <p><u>Oedran 16-25 oed</u> Yn bresennol mae nifer fechan o bobl ifanc 16 oed a throsodd yn ymwneud a'r gwasanaeth (oherwydd nid ydynt eisiau mynychu Clwb Ieuentid gyda rhai ieuengach).</p> <p>Mae'r opsiwn yma yn awgrymu newid yr hyn sy'n cael ei gynnig i bobl ifanc 16 oed a throsodd, ond ei fod wedi ei dargedu i rai nad ydynt mewn addysg, hyfforddiant na gwaith yn unig.</p> <p>Bydd y ddarpariaeth agored yn parhau ar i gael i rai hyd at 19 oed, ac mae ystadegau eisoes yn dangos nad oes defnyddwyr yn y grŵp oedran 19-25 oed yn dymuno defnyddio'r ddarpariaeth agored (clybiau, gweithgareddau)</p> <p>Mae'r opsiwn yma yn awgrymu y byddwn yn darparu gweithiwr allweddol i bob person ifanc 16-25 oed sydd wedi ei adnabod drwy systemau tracio Gyrfa Cymru (Haen 1 a 2), waeth lle mae nhw'n byw.</p>
--	---	--

<p>Hil (gan gynnwys cenedligrwydd)</p>	<p>Dim effaith wedi ei adnabod o'r dystiolaeth</p>	<p>Rydym yn rhagweld yr un effaith ar draws yr opsiynau a ystyrir.</p> <p>Mwyafrif aelodaeth y Gwasanaeth Ieuencid yn wyn.</p> <p>82.8% o'r rhai gwblhaodd yr ymgynghoriad yn wyn</p> <p>Mae'r opsiwn yma yn rhoi mwy o hyblygrwydd i'r gwasanaeth ymgysylltu a chyrraedd cymunedau a grwpiau o bobl ifanc o leiafrifoedd ethnig wrth symud lleoliadau ei gweithgareddau.</p>
<p>Yr iaith Gymraeg</p>	<p>Effaith negyddol posib o ganlyniad i leihad yn y gwasanaeth a cynigir drwy gyfrwng y Gymraeg ar draws y Sir.</p> <p>Gall fod ag effaith bositif ar y rhai sydd yn cael mynediad i'r gwasanaeth am y tro cyntaf drwy weld gweithgareddau a phrosiectau ieuencid cyfrwng y Gymraeg yn cael eu cynnal yn eu pentref.</p>	<p>Mae dull darparu a holl weithgareddau'r Gwasanaeth yn cael eu cynnig trwy gyfrwng y Gymraeg neu yn ddwyieithog ar hyn o bryd. Mae'n rhoi'r cyfle i bobl Ifanc gymryd rhan mewn gweithgareddau a chymysgu yn yr iaith o'u dewis. Mae'r Gwasanaeth Ieuencid yn hyrwyddo'r iaith Gymraeg yn barhaus trwy addysg, sgiliau a rhoi cyfleoedd i gymdeithasu, ac yn cynnal sesiynau Ymwybyddiaeth iaith.</p> <p>Mae'r opsiwn yma yn cynnig parhau i gynnig gweithgareddau a prosiectau i bobl ifanc drwy gyfrwng y Cymraeg.</p> <p>Mae'r opsiwn yma yn golygu llai o glybiau mewn cymunedau i bobl ifanc ddefnyddio eu Cymraeg/</p> <p>Mae effaith ar 2 fudiad trydydd sector (Urdd / Ffermwyr Ifanc) sydd yn cyfrannu tuag at gefnogi pobl ifanc i ddefnyddio'r Gymraeg yn gymdeithasol. Gall rhai siaradwyr Cymraeg ifanc weld lleihad yn nifer y cyfleon cymdeithasoli ddefnyddio yr iaith pe bai'r mudiadau hyn yn methu a cynnal eu clybiau / aelwydydd.</p> <p>Trwy'r ymgynghoriad 0.2% oedd wedi mynegi y byddai dirywiad i'r iaith Gymraeg</p>
<p>Anabledd</p>	<p>Dim effaith wedi ei adnabod dan 16 oed ond gall fod yn bositif yn yr oedran 16+ os caiff pobl ifanc eu targedu</p>	<p>Mae'r dull darparu presennol yn rhedeg Clybiau Ieuencid Derwen (Tîm Integredig Plant Anabl) er mwyn gweithio hefo pobl Ifanc anabl.</p> <p>Mae'r opsiwn yma yn caniatáu i'r 2 ysgol uwchradd anghenion arbennig gael cyswllt gyda gweithiwr ieuencid i ddarparu prosiect ieuencid.</p> <p>Mae'r opsiwn yma yn annog pobl ifanc anabl i fynychu</p>

		<p>prosiectau ar draws y Sir, yn annog integreiddio i'r prif lif fydd yn cefnogi pobl ifanc i gymysgu gyda'u cyfoedion.</p> <p>Mae'r opsiwn yma wrth symud o amgylch y sir yn rhoi gwell cyfle i'r gwasanaeth fynd i'r afael a unigedd ymysg pobl ifanc sy'n achosi pryderu ac effaith ar lesiant meddyliol.</p> <p>Mae'r opsiwn yma yn targedu pobl ifanc 16 oed a throsodd nad ydynt mewn addysg, hyfforddiant na gwaith. Mae pobl ifanc ag anabledd yn fwy tebygol o wynebu rhwystrau rhag cael gwaith / hyfforddiant, felly gall yr opsiwn hwn sicrhau eu bod yn derbyn cefnogaeth.</p>
Rhyw	Dim effaith negyddol wedi ei adnabod o'r dystiolaeth	<p>Mae'r nifer o fechgyn a merched sydd yn ymwneud a'r Gwasanaeth presennol yn eithaf cyfartal (gweler ffigyrau'r Gwasanaeth yn 2.4.3 uchod).</p> <p>Nid ydym yn rhagweld y bydd gweithredu unrhyw un o'r opsiynau yn cael mwy na lai o effaith ar ferched neu fechgyn. (Defnyddwyr gwasanaeth).</p> <p>Rydym yn rhagweld y gall unrhyw newid i'r Gwasanaeth arwain at effaith negyddol ar weithlu benywaidd, gan fod mwy o ferched na dynion yn gweithio yn y Gwasanaeth ar hyn o bryd. Byddai unrhyw gwtogiad yn y gwasanaeth yn golygu'r un effaith.</p>
Cyfeiriadedd rhywiol	Dim gwybodaeth am effaith posibl	<p>Nid oes tystiolaeth ar hyn o bryd o ran cyfeiriadedd rhywiol y defnyddwyr presennol – nid yw'r data yn cael ei gasglu ar gyfer y grŵp oedran 11-16 oed.</p> <p>Ni allwn rhagweld os bydd mwy neu lai o bobl ifanc, oherwydd eu cyfeiriadedd rhywiol, yn dewis ymwneud a'r gwasanaeth ynghlwm ag unrhyw un o'r opsiynau.</p>
Crefydd neu gred (neu ddiffyg cred)	Dim effaith negyddol wedi ei adnabod o'r dystiolaeth	<p>Nid ydym yn rhagweld effaith benodol ar bobl ifanc o grwp crefydd penodol.</p>
Ailbennu rhywedd	Dim gwybodaeth am effaith posibl	<p>Nid oes tystiolaeth ar hyn o bryd o ran defnyddwyr presennol sy'n dymuno / wedi ailbennu rhywedd – nid yw'r data yn cael ei gasglu ar gyfer y grŵp oedran 11-16 oed.</p> <p>Nid ydym yn rhagweld effaith benodol ar bobl ifanc sy'n dymuno / wedi ailbennu rhywedd o weithredu unrhyw un o'r opsiynau.</p>
Beichiogrwydd	Dim effaith	<p>Nid yw'r Gwasanaeth yn casglu data ar lefelau</p>

a mamolaeth	negyddol wedi ei adnabod o'r dystiolaeth	beichiogrwydd ei ddefnyddwyr. Nid ydym yn rhagweld effaith benodol ar ferched sy'n feichiog / mamolaeth o weithredu unrhyw un o'r opsiynau.
Priodas a phartneriaeth sifil	Dim	Nid ydym yn rhagweld effaith benodol o weithredu unrhyw un o'r opsiynau ar briodas / bartneriaeth sifil ymysg y grŵp oedran.

3.2 Ydi'r polisi neu wasanaeth yn ateb y Dyletswyddau Cyffredinol yma?

Dyletswyddau Cyffredinol y Ddeddf Cydraddoldeb	Dylid dileu'r rhai amherthnasol	Ym mha ffordd? Beth yw'r dystiolaeth?
Cael gwared â cham-wahaniaethu anghyfreithlon, aflonyddu ac erledigaeth	Gall helpu i gael gwared ar gam-wahaniaethu	Mae cefnogaeth gweithwyr ieuencid yn gallu bod o help mawr i rai pobl ifanc hefo nodweddion cydraddoldeb sy'n mynd drwy amser anodd. Mae'r opsiwn yma yn nodi y bydd Gweithwyr Ieuencid ar gael i bobl ifanc ddelio gyda chamwahaniaethu ac yn gallu mynd at y bobl ifanc yn eu hysgol / cymuned hwy yn nol yr angen.
Hyrwyddo cyfleoedd cyfartal	Ydi / Nac ydi – eto'n ddibynnol ar y sefyllfa	Fel uchod mae'n ddibynnol ar os ydi'r person ifanc yn derbyn llai o wasanaeth neu'n derbyn gwasanaeth o'r newydd o'i gymharu a'u sefyllfa bresennol.
Meithrin perthnasau da	Ydi / nac ydi – eto'n ddibynnol ar y sefyllfa	Fel uchod mae'n ddibynnol ar os ydi'r person ifanc yn derbyn llai o wasanaeth neu'n derbyn gwasanaeth o'r newydd o'i gymharu a'u sefyllfa bresennol.

3.3 Beth yw'r effaith fydd y polisi/gwasanaeth newydd neu'r newidiadau yn y polisi neu wasanaeth yn ei gael ar faterion eraill nad ydynt yn ymwneud a nodweddion cydraddoldeb pobl? Manylwch.

Nodweddion	Sut fath o effaith? (dylech ddileu'r rhai amherthnasol)	Ym mha ffordd? Beth yw'r dystiolaeth?
Gofodol	Negyddol mewn rhai cymunedau ond positif mewn rhai eraill	Bydd effaith negyddol ar 42 cymuned ble mae clwb ieuencid ar hyn o bryd yn yr opsiwn yma oherwydd y lleihad cyffredinol yn y gwasanaeth. Gall effaith positif fod mewn cymunedau eraill, yn arbennig rheiny y bydd y

		Gwasanaeth yn ymweld a hwy yn ystod blwyddyn i ddarparu gweithgareddau.
Difreintedd a Thlodi	Negyddol i rai pobl ifanc.	<p><u>Ariannol</u> Mae'r ddarpariaeth presennol yn wasanaeth am ddim.</p> <p>Mae'r Gwasanaeth presennol yn trefnu gweithgareddau a thripiâu yn achlysurol a codi ffi ar fynychu'r gweithgareddau hyn fel cyfraniad tuag at y gost.</p> <p>Mae'r Opsiwn yma yn parhau i nodi gwasanaeth am ddim.</p> <p>Nododd 67% o'r ymatebwyr i'r holiadur ymgysylltu y dylai pobl ifanc gyfrannu yn ariannol tuag at rai gweithgareddau penodol, a 18% yn anghytuno a 15% heb farn.</p> <p><u>Difreintedd Cymdeithasol ac Economaidd.</u> Mae'r ddarpariaeth bresennol gyda presenoldeb clwb ym mhob un o'r cymunedau difreintiedig (yn unol a diffiniad Llywodraeth Cymru). Golyga hyn fod Clwb leuenctid ar gael ym Maesgeirchen a Caernarfon.</p> <p>Yn ychwanegol i hyn mae'r Gwasanaeth yn derbyn grantiau ychwanegol ar gyfer targedu yr ardaloedd hyn ee grant SBLASH ar gyfer gweithgareddau'r haf ym Maesgeirchen a Caernarfon; grant Cymunedau'n Gyntaf ar gyfer Gweithwyr leuenctid a Chymuned ym Maesgeirchen a Caernarfon.</p> <p>Fodd bynnag mae'r gwaith proffilio pobl ifanc Gwynedd (gweler 2.4.5 uchod) a chanfyddiadau'r adolygiad yn gyffredinol wedi adnabod fod pobl ifanc yn gallu wynebu rhwystrau, yn wynebu heriau wrth dyfu i fyny, ac yn gallu bod yn dad gysylltu rhag addysg, hyfforddiant neu waith waeth lle mae nhw'n byw. Mae crynhoad uwch o bobl ifanc fregus, ac anghenion yn y llefydd mwyaf trefol megis Maesgeirchen a Caernarfon ond nid yw'r materion / heriau yn unigryw i'r ardaloedd hynny.</p> <p>Mae'r opsiwn yma yn golygu na fydd presenoldeb barhaol yn Maesgeirchen na Caernarfon, ond yn hytrach y bydd gweithgaredd yn cael eu cynnal yno yn rheolaidd.</p> <p>Mae'r gwaith Mapio Darpariaeth (gweler 2.4.4 uchod) yn adnabod fod prinder clybiau cymdeithasol am ddim i bobl ifanc yn yr ardaloedd di-freintiedig hyn – gall cost ymaelodi gyda clybiau eraill atal pobl ifanc rhag manteisio ar y cyfleon eraill sydd ar gael yn lleol.</p>

4) Dadansoddi'r canlyniadau

4.1 Ydi'r polisi felly'n debygol o gael effaith sylweddol, bositif ar unrhyw un o'r nodweddion cydraddoldeb neu'r Ddyletswydd Gyffredinol a beth yw'r rheswm am hyn?

Mae'r asesiad wedi adnabod y canlynol :

Gall yr opsiwn sicrhau y bydd y Gwasanaeth Ieuencid ar agor i bobl ifanc rhwng 11 – 25 oed.

Gall yr opsiwn gael effaith negyddol ar y grŵp oedran 11-16 oed oherwydd cwtogiad yn y ddarpariaeth fydd ar gael.

Gall yr opsiwn gael effaith negyddol ar y gweithlu benywaidd

Gall yr opsiwn gael effaith bositif ar y grŵp oedran 16-25 oed oherwydd ei fod yn cynnig gwasanaeth penodol wedi ei dargedu i'w anghenion.

Gall yr opsiwn gael effaith negyddol ar 42 cymuned drwy symud i ffwrdd oddi wrth ddarparu clybiau ynddynt, ond effaith bositif mewn nifer o gymunedau y byddai'r gwasanaeth yn ymweld a hwy am y tro cyntaf. Mae mynediad a teithio yn bryder i nifer o bobl ifanc sydd yn gweld presenoldeb Clwb yn cau yn lleol

Gall yr opsiwn gael effaith negyddol ar Siaradwyr Cymraeg Ifanc oherwydd y bydd llai o glybiau ar gael iddynt i allu defnyddio'r Gymraeg yn gymdeithasol; ond effaith bositif ar rhai siaradwyr Cymraeg fydd yn cymryd rhan mewn gweithgareddau a cysylltu gyda'r Gwasanaeth am y tro cyntaf.

Gall yr opsiwn yma gael yr effaith negyddol ar y cymunedau difreintiedig.

4.3 Beth ddylid ei wneud?

Dewiswch un o'r canlynol:

Parhau gyda'r polisi / gwasanaeth gan ei fod yn gadarn	
Addasu'r polisi i ddileu unrhyw rwystrau	
Atal a dileu'r polisi gan fod yr effeithiau niweidiol yn rhy fawr	
Parhau a'r polisi oherwydd gellir cyfiawnhau unrhyw effaith niweidiol	

4.4 Pa gamau fyddwch chi'n gymryd i leihau neu liniaru unrhyw effeithiau negyddol?

Mater	Dull Ymateb
Teithio / Pellter / Mynediad i'r gweithgareddau a phrosiectau	Sicrhau fod y Rhaglen o Weithgareddau a Phrosiectau yn symud yn ddigon rheolaidd; yn mynd i leoliadau cymunedol mewn pentrefi a threfi drwy'r sir; a parhau i gynnig cludiant ar gyfer rhai prosiectau / gweithgareddau.
Difreintedd	Bydd angen sicrhau amllder gweithgareddau a prosiectau mewn rhai cymunedau – fel sydd wedi eu hadnabod yn yr Asesiad Effaith Cydraddoldeb, oherwydd difreintedd a dwysedd poblogaeth y grŵp oedran yn y cymunedau hynny
Siaradwyr Cymraeg	Bydd y Gwasanaeth Ieuencid ar ei ffurf newydd yn parhau i fod yn Wasanaeth a ddarperir drwy gyfrwng y Gymraeg yn unol a pholisi iaith y Cyngor. Bydd prosiectau hyrwyddo iaith, cenedligrwydd a dinasyddiaeth yn parhau yn rhan o weithgareddau'r Gwasanaeth. Ni ellir meintiol effaith diddymu'r grant i'r Urdd a Ffermwyr Ifanc ar y nifer cyfleon, na nifer y siaradwyr Cymraeg ar hyn o bryd.
Gweithlu	Bydd unrhyw newid i'r Gwasanaeth yn effeithio mwy ar ferched na dynion o ran y gweithlu. Bydd y strwythur staffio yn parhau i gynnig cyfleon llawn a rhan amser i'r gweithlu. Bydd y nifer o gyfleon a cynigir yn sylweddol llai, ond bydd trefn benodi i'r strwythur newydd yn sicrhau fod cyfleon cyfartal i ymgeisio.
Effaith gofodol cau Clybiau	Mae'r Opsiwn a argymhellir wedi adnabod adnodd staff i gefnogi ymdrech wirfoddol i sefydlu clybiau ieuencid gwirfoddol lleol. Byddai angen hyrwyddo'r cynnig hwnnw. Sefydlu trefniadau ynghylch offer a cyfrifon y Clybiau Ieuencid presennol a'u trosglwyddo i Glwb Gwirfoddol os y'i sefydlir, neu i fudiad / grŵp a gwerthoedd tebyg yn lleol. Agor trafodaeth gyda'r Cynghorau Cymuned i adnabod diddordeb mewn cyfrannu tuag at gynnal Clybiau Ieuencid lleol, a/neu gefnogi trefniadau gwirfoddol i gynnal Clybiau Ieuencid. Byddai trefniadau Clybiau Ieuencid lleol drwy'r cynghorau cymuned a/neu drwy grŵp gwirfoddol yn ychwanegu at Wasanaeth Ieuencid y Cyngor, ond nid yw'n ddibynnol arnynt.

4.5 Os nad ydych yn gweithredu ymhellach i ddileu neu leihau effeithiau negyddol, esboniwch pam yma.

--

5) Monitro

5.1 Pa gamau fyddwch chi'n gymryd i fonitro effaith ac effeithiolrwydd y polisi neu wasanaeth (cynllun gweithredu)?

Bydd monitro Effaith y Newid ar ddefnyddwyr a'r gweithlu yn rhan o fonitro blynyddol y Gwasanaeth.

Byddwn yn parhau i gasglu, dadansoddi ac adrodd ar ddata aelodau a gweithlu i Lywodraeth Cymru drwy'r Awdit Blynyddol.

Byddwn yn defnyddio'r awdit hwnnw i adnabod effaith y newidiadau o ran demograffig a materion cydraddoldeb eraill. Byddwn yn gallu ymateb yn seiliedig ar gasgliadau'r awdit.